



Broj: 02-690/16
Vareš, 24.07. 2016. godine

Na osnovu člana 29. tačka 7. Zakona o zaštiti i spašavanju ljudi i materijalnih dobara, od prirodnih i drugih nesreća („Sl. novine FBiH“ br. 39/03, 22/06 i 43/10) i člana 33. tačka 2. Statuta općine Vareš – Prečišćeni tekst broj 01-162/12 od 11.09. 2012. godine, na prijedlog Općinskog štaba civilne zaštite, načelnik Općine Vareš, d o n o s i

ODLUKU

o proglašenju elementarne nepogode

I

Utvrđuje se postojanje elementarne nepogode prouzrokovane obilnim padavinama, poplavama i odronima zemljišta na području općine Vareš od dana 24.07.2016. godine.

II

Odmah izvršiti aktiviranje Općinskog štaba civilne zaštite, radi rukovođenja akcijama civilne zaštite na području općine.

Prioritetni zadatak štaba je da:

- Odmah izvrši procjenu novonastale situacije na području općine Vareš,
- Na osnovu procjene situacije, nadležnim organima Općine predložiti preduzimanje mjera, zadataka i aktivnosti u okviru njihove nadležnosti,
- Ostvari saradnju sa susjednim Općinama i Kantonalnom upravom civilne zaštite,
- Organizira stalno dežurstvo u štabu i drugim subjektima na ugroženom području.

III

Civilna zaštita općine je dužna da obavještava građane, preduzeća i druge oblike organizovanja o opasnostima koje može prouzrokovati nastala prirodna nesreća.

IV

Građani, preduzeća i druga pravna lica sa područja općine Vareš dužni su da:

- Sprovode potrebne mjere zaštite i spašavanja ljudi i materijalnih dobara sa kojima raspolažu i koja su ugrožena,

- Omoguće preduzimanje tehničkih i drugih mjera zaštite od strane učesnika u akciji, a koje naredi Općinski štab civilne zaštite i drugi organi,
- Stave na raspolaganje materijalno-tehnička sredstva, koja podliježu obavezi davanja za potrebe civilne zaštite,
- Redovno obavještavaju organe mjesne zajednice i Općinski štab civilne zaštite o stanju u bližem okruženju.

V

Preduzeća i druga pravna lica koja obavljaju djelatnost od značaja za provođenje mjera zaštite i spašavanja, dužna su se angažovati na izvršenju zadataka, koje naredi Općinski štab civilne zaštite.

VI

Prestankom razloga za njeno donošenje, ova Odluka će biti stavljena van snage.

VII

Odluku odmah objaviti putem sredstava informisanja, istaći na oglasnim pločama i dostaviti organima, preduzećima i drugim pravnim licima zaduženim za njeno provođenje.

VIII

Kontrolu sprovođenja odredaba ove Odluke vršit će Općinski štab civilne zaštite u okviru svoje nadležnosti i preduzimati propisane mjere.

DOSTAVLJENO:

1 x Federalna uprava CZ,
1 x Kantonalna uprava CZ,
1 x Ministarstvo za prostorno uređenje, promet i komunikacije i zaštitu okoline ZE-DO Kantona,
1 x Općinska služba za prostorno uređenje i obnovu
- Komunalno-građevinski inspektor,
1 x JKP Vareš d.o.o.
1 x Policijska stanica Vareš,
1 x Radio Bobovac Vareš,
1 x Vlada Federacije BiH
1 x Federalno ministarstvo raseljenih osoba i izbjeglica
1 x Ministarstvo za ljudska prava i izbjeglice BIH
1 x Federalni fond za pomoć nastradalim područjima od prirodne nesreće na teritoriji Federacije BiH
1 x a/a.

OPĆINSKI NAČELNIK

Kovačević Avdija, dipl. pravnik